



### UNITAT 2



## ONT SÈTZ ?

### DIALÒG 1

Miquèl telefôna als pompièrs d'una cabina.

MIQUÈL : Alò, los pompièrs ? Mon ostal brutla !

LOS POMPIÈRS : Ont demoratz ?

MIQUÈL : A Someire, venètz lèu-lèu !

LOS POMPIÈRS : Ont es vòstre ostal ?

MIQUÈL : Al 18, carrièra FABRE.

LOS POMPIÈRS : D'acòrdi, arribam sul pic.



### QUESTIONS 1

- ◆ D'ont telefôna Miquèl ?
- ◆ Ont demòra ?
- ◆ Balhatz son adreça completa.



### DIALÒG 2

Dos amics, Magalí e Alan se rescontran dins la carrièra :

ALAN : Bonjorn Magalí, ont vas ?

MAGALÍ : Vau a l'escola de mon pichòt fraire. Son cinc oras passadas, soi en retard.

ALAN : Ont se tròba son escòla ?

MAGALÍ : A costat de la gara, es luènh d'aici.

ALAN : I anam ensemble, demòri tot prèp.

MAGALÍ : As cambiat d'ostal ?

ALAN : Non, ai cambiat de companha.

### QUESTIONS 2

- ◆ Ont va Magalí ?
- ◆ Perqué es preissada ?
- ◆ Qui rescontra Magalí ?
- ◆ Ont demòra Alan ara ?
- ◆ Perqué a cambiat d'ostal ?

# Cap a l'occitan

## Leçon 2 (suite)

### DIALÒG 3

*Patric ròtla en vila sus sa motò, e se fa arrestar per un gendarma*

LO GENDARMA : Bonjorn ! Cent quilomètres a l'ora, en vila !

PATRIC : Òc, mas vau a Banhòls ; ma grand es malauta...

LO GENDARMA : Ont es vòstre casco ?

PATRIC : A l'ostal, l'ai oblidat.

LO GENDARMA : Papièrs, se vos plai !... Ont son ?

PATRIC : Los tròbi pas, los ai oblidats a l'ostal tanben.

LO GENDARMA : Ges de papièrs, ges de casco, excès de velocitat !

Tot aquò va faire car !

PATRIC : Mas, ma grand es malauta e...

### QUESTIONS 3

- ◆ Perqué se fa arrestar Patric ?
- ◆ Ont son los papièrs e lo casco ?
- ◆ Perqué los a oblidats ?
- ◆ Ont demòra sa grand ?



# Cap a l'occitan

## Leçon 2 (suite)

### SITUACION

— Bonjorn, Sénher, desencusatz-me de vos desrengar, ont es la pòsta, se vos plai ?  
— Bonjorn, Dòna, montatz lo baloard e viratz a la segonda carrièra, a drecha.  
— Es luènh d'aici ?  
— Non pas ! I sètz dins cinc minutats de temps. Es en fàcia l'Esplanada.  
— Soi pas d'aici ! Sèm dins una granda vila !  
— Non, pas tant qu'aquò, i fa bon viure.  
— Grandmercé, sètz ben aimable. Al reveire.



### EXPLICAS

#### 1) ACCENTUACION

*Escotatz lo dialòg e tornatz dire aprèp nosautres :*

##### a) Accent sus la darrièra sillaba :

bonjorn - desencusatz-me - baloard - grandmercé - aici - aquò.- tanben

*DE NOTAR :*

*tanben* : l'èna finala es generalament muda.

*desencusatz-me* : accent sul pronom a l'imperatiu.

##### b) Accent sus l'avant darrièra sillaba :

Carrièra - la pòsta - la segonda - drecha - minuta - fàcia - Esplanada - una granda vila - aimable.

PRONONCIACION : **On(t)** sètz ?, mas **ont** anatz ? la **t** finala de **ont** se pronòncia pas davant una consonanta.

### 2) EXPRESSIONS

##### a) Formulas de polidesa :

Desencusatz-me de vos desrengar ( vos )

Desencusa-me de te desrengar ( tu )

Se vos plai / se te plai. *Lenga parlada* : Sioplèt.

Grandmercé, sètz plan aimable.

*DE NOTAR :* aimable - lo **bl** se prononcia **pl**

##### b) Saludacions :

Bonjorn - Al reveire - Adieu-siatz.

*Lenga parlada* : adieu ( per bonjorn o al reveire ).

*DE NOTAR :*

Bonjorn Sénher, bonjorn Dòna, bonjorn Domaisèla.

Bonjorn sénher Fabre, bonjorn dòna Fabre.

##### c) Expressions idiomáticas :

I fa bon viure !

### 3) GRAMATICA

##### a) Conjugacion : present de l'indicatiu

Vèrbs en - AR : 1<sup>er</sup> grop

Vèrb OBLIDAR	
OBLIDI	OBLIDAM
OBLIDAS	OBLIDATZ
OBLIDA	OBLIDAN

*DE NOTAR :*

Prononciar : *oplidar*

La plaça de l'accent tonic còmbia a las 1<sup>a</sup> e 2<sup>a</sup> persones del plural.

# Cap a l'occitan

## Leçon 2 : Cahier des corrigés

### UNITAT 2

#### DIALÒG 1 QUESTIONS

*D'ont telefonà Felip ? Felip telefonà d'una cabina.*

*Ont demòra ? Felip demòra a Someire.*

*Balhatz son adreça completa. L'ostal de Felip es al dètz e uèch de la carrièra Fabre.*

#### DIALÒG 2 QUESTIONS

*Ont va Magalí ? Magalí va a l'escola de son fraire.*

*Perqué es preissada ? Magalí es preissada per qu'es en retard, son cinc oras passadas.*

*Qui rencontra Magalí ? Magalí rencontra Alan.*

*Ont demòra Alan ara ? Ara Alan demòra a costat de ia gara.*

*Perqué a canbiat d'ostal ? Alan a canbiat d'ostal perque a canbiat de companha.*

#### DIALÒG 3 QUESTIONS

*Perqué se fa arrestar Patric ? Patric rotla a cent quilomètres a l'ora.*

*Ont son los papièrs e lo casco ? Patric a oblidat los papièrs e lo casco a l'ostal.*

*Perqué los a oblidats ? Los a oblidats perque sa grand es malauta.*

*Ont demòra sa grand ? La grand demòra a Banhòls.*

### EXERCICIS ORALS

#### 1) Respondètz a las questions :

- La pòsta se tròba a costat de l'Avenguda dels Felibres, al centre de la vila.
- Lo plan facia a la Comuna se sona lo plan dels Senators.
- L'Avenguda dels Felibres se tròba entre la pòsta e l'Esplanada.
- Per anar de la pòsta a la comuna, viram a esquerra e arribam sus l'Esplanada. En fàcia se tròba Lo Plan dels Senators e la Comuna es tot drech.
- Se vira a drecha.

#### 2) Trobatz la question :

- **Ont se tròba Avinhon ?** (Avinhon es dins Vauclusa .)
- **Quin es lo numèro del departament d'Avinhon ?** (Es lo numèro ochanta quatre) .
- **Cossí se sonan las gents de Montpelhièr ?** (Se sonan los Montpelièrenses)
- **Perqué demanda son camin Mirelha ?** (Perque a pas ges de mapa de la vila )
- **Son luènh l'Esplanada e la Pòsta ?** ( Non, Nimes es pas una gran-da vila, la pòsta e l'Esplanada son pas luènh, i fa bon viure.)

#### 3) Respondètz per verai (V) o fals (F)

- F : Patric a pas son casco e pas ges de papièrs.
- F : Mirelha demanda pas la Comuna, demanda la pòsta.
- V : Quand l'ostal brutla, sonam los pompièrs.
- V : Patric va veire sa grand.
- F : Non, Gorda es luènh de París.
- F : L'escola del fraire de Magalí es prèp de la gara.

### EXERCICIS ESCRICHES

#### 2) Metètz (o pas) l'article definit que conven :

- Demòri dins l'Avenguda de **la** libertat.
- L'òme que parla a Mirelha es aimable.
- Léger es un flume de França.
- Al reveire, vau a l'Odeon, veire **lo** film de l'annada.
- L'escola **dels** enfants es prèp de **la** gara.
- **Los** Occitans parlan pas coma **los** Franceses.
- Dins **las** vilas pichòtas i fa bon viure.

#### 3) Metètz al plural :

- Sèm pas de Nimes.
- Montatz las carrières.
- Viran a drecha.
- Son en fàcia de la pòsta.
- Sètz ben aimable(s).
- Demandam l'escola mairala de la vila.
- Telefònans als enfants.

#### 4) Metètz los mots dins l'òrdre e fasètz una frase :

- Viram a drecha e la Comuna es pas luènh.
- Montatz pas en vila a 100 quilomètres a l'ora.
- L'Esplanada se tròba en fàcia de la pòsta.
- Felip va a Banhòls, sa grand es malauta.